



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliae Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

8. An frangat Sigillum, qui dicit, Petrus, v. g. in confessione suis  
minutissimis peccatis scrupulosè caput meum obtundit? Ex p. 5. tr .11.  
res. 50.

---

[urn:nbn:de:hbz:466:1-76393](https://nbn-resolving.org/urn:nbn:de:hbz:466:1-76393)

§. 1. **R**espondeo negatiuè, quia paruitas matè-  
riæ non obstat, quominus hic reperiat  
integra ratio irrequerentiæ, & offensionis Dei, sicut  
etiam fit in periurio assertorio, & similibus, quod  
vt intelligatur, aduerto actam illam obligationem  
celandi peccata confessi non esse in eo fundatam,  
quod peccata, quæ celantur, sint magna, sed in eo  
potius, quod res maximi momenti sit, & profus  
necessaria, totum negotium confessionis esse secre-  
tum. Alioqui si ex eo, quod parua culpe sit pec-  
catum, quod reuelatur, colligere liceat etiam esse  
parua culpe ipsam reuelationem; licet etiam ex  
eo quod non necessariò confiteamur venialia,  
inferre quod ipsa confessi non necessariò celentur,  
aut ex eo, quod secretiores defectus corporis, aut  
natalium in confessione detecti, non sint peccata,  
eos etiam non esse celandos. Quare non dubitauit  
Henriquez dicere contrariam sententiam non esse  
probabilem, cui libenter adtipulor, præsertim cum  
reuelate confessionem sit intrinsicè malum, & ex ge-  
nere suo mortale; venialium autem confessio sit ab-  
solutè confessio, & eorum reuelatio in proposito  
sit absolutè reuelatio confessionis, præsertim cum  
etiam vnius peccati venialis confessio sit absolutè  
sacramentalis confessio. ergo, &c. Et hæc omnia  
docet Malderus tract. de sigillo confess. cap. 3. cui ad-  
de Doctores, quos citat & sequitur Pater Leo de offic.  
Confess. part. 1. recoll. 7. num. 43. quibus adde Balde-  
lum in disput. Theolog. tom. 1. lib. 3. disput. 14. num. 13.  
Vide etiam Faustum de Sac. Pen. lib. 7. q. 56. qui op-  
timè inuehitur contra Ledesnam, qui ausus est asse-  
rere non esse peccatum mortale sacrilegij reuelare  
vnum veniale in specie alicuius penitentis in con-  
fessione auditum; modò circumstantes nullo modo  
intelligant in confessione fuisse auditum. Similiter  
cauendum est à doctrina Soci in 4. dist. 18. q. 4. art. 5.  
& de secreto. memb. 3. q. 4. vbi licet contrarium teneat  
dicit tamen id esse probabile.

## RESOL. VII.

*An confessarius asserens, verbi gratia, Petrum con-  
fessum fuisse, plura peccata venialia frangat si-  
gillum?*

*Et quid, si dixerit penitentem fecisse, seu confessum  
fuisse peccata venialia, non addendo plura?*

*Et curissime notatur non excusari à fractione sigilli  
eum, qui dixerit Petrum, verbi gratia, graua pec-  
cata venialia sibi esse confessum. Ex part. 5. tra-  
ctat. 11. Ref. 49.*

§. 1. **V**idetur negatiuè respondendum, quia si-  
gillum tunc frangitur, quando reuelatur  
peccatum mortale in genere, vel veniale in specie; sed  
in casu nostro hoc non accidit: ergo, &c.

2. Verum affirmatiuam sententiam docet Hurta-  
do disp. 12. de Penit. diff. 4. quia qui dicit, aut aliter  
significat penitentem fecisse, aut confessum fuisse  
plura venialia, reuelat quod est occultum, quia occultum  
est penitentem plura venialia fecisse: secus est  
autem, si dixerit penitentem fecisse, seu confessum  
fuisse peccata venialia non addendo plura, quia tunc  
non reuelat peccatum occultum, quia manifestum est,  
eum qui confitetur, & absoluitur, fecisse, & confiteri  
ad minus venialia. Ita ille.

3. Notandum est etiam hic, quod Malderus tract.  
de sigillo, cap. 12. etiam non excusat eum à fractione  
sigilli, qui dixerit Petrum, v. gr. graua venialia sibi  
esse confessum.

## RESOL. VIII.

*An frangat sigillum, qui dicit, Petrus, v. gr. in confes-  
sione suis minutissimis peccatis scrupulose caput  
obtrudit? Ex part. 5. tract. 11. Ref. 50.*

§. 1. **H**æc verba frequenter Confessarij dicere  
solent, & in tali casu frangere sigillum do-  
cuit nouissime iacobus Granado in 3. part. de Sacram.  
contr. 6. tract. 11. disp. 5. n. 3. quia quidquid penitentis  
est aliquo modo ignominiosum, & gignit erubescen-  
tiam, non potest manifestari nisi violato sigillo; qui  
autem est, qui non erubescat, aut aliquando dolat, si  
audiat se ita confiteri, vt caput obtundat Confessario  
suis natiis, aut se occupare impertinentibus scri-  
ptis Confessarios? Itaque infirmam esse contrariam  
fundamentum Doctorem, nam hæc, & similes locu-  
tiones non declarant peccata venialia solum in gene-  
rali, sed in speciali significant nimietatem & defe-  
ctum, quem non habent multi alij, qui & venialia  
plura, imò & mortalia committunt. Accedit quod  
nomen scrupulosus, si proprie sumatur, significat impu-  
ritatem, qui propter ignorantiam, aut nimiam impu-  
ritatem putat esse peccatum, quod ne probabiliter qui-  
dem est culpa, idque non semel & iterum, sed sæpe  
sæpius: ergo qui eum in confessione cognouerit,  
manifeste declarat aliquem penitentis defe-  
ctum, & talem sanè vt multis ruborem iniciat, cum  
eo nomine appellantur: ergo frangit sigillum. Ita  
Granado.

2. Sed contraria sententia est communis inter  
DD. quos ille hic non refert; & ratio est, quia in tali  
casu non manifestatur aliquod peccatum in particu-  
lari, & nomen scrupulosus communiter denotat homi-  
nem timoratum, & qui abstinere vult ab his, etiam  
quæ licita sunt, sed aliquod periculum afferunt, in quo  
tenetur etiam ipse Granado concedit non frangi sigil-  
lum. Verum his non obstantibus consulo Confessarios  
etiam ab his locutionibus omnino abstinere. Vnde  
non desinam hic apponere verba Agidij de Con-  
ninch de Sacram. disp. 9. dub. 1. n. 11. vbi licet: In-  
feratur eum non frangere sigillum, qui dicit Petrum so-  
lere sibi obtundere caput minutissima peccata con-  
fessando. Sed est talis directè non frangat sigillum,  
tymale tamen & periculose hoc dicit; nam videtur in-  
nuere talem esse scrupulosum, aut saltem facile pos-  
set audientibus talem ingerere opinionem; atque ita  
indirectè sigillum frangere. Ita ille, & ego.

## RESOL. IX.

*An Confessarius dicens aliquem penitentem in con-  
fessione sibi scrupulis obtundere caput, frangat si-  
gillum?*

*Et obiter docetur, quod Clem. VIII. anno 1592. edi-  
dit Decretum, quo precipit Superioribus Regula-  
rium, vt diligentissime caneant, ne ea notitia, quam  
in confessione de aliorum peccatis habuerunt, ad ex-  
teriorum gubernationem vtantur.*

*Sed queritur, an hoc Decretum non ad omnes Confes-  
sarios, sed ad eos, qui Superiores sunt, vel deinceps  
erunt, dirigatur tantum?*

*Et an, non obstante dicto Decreto, possit probabili-  
ter sustineri, licere Superiori ob peccatum in con-  
fessione cognitum priuare subditos officio ad natum  
amonibilibus?*

*Et licere etiam Superiori, vel cuiilibet alij negare sigil-  
lari penitenti, quem solum per confessionem agno-  
uit esse indignum ad Officium, vel Prælatum?*